

**Immikkut ittumik ataatsimiinnermi oqaluuserisassat:**

**Imm. 01 Oqaluuserisassat akuersissutigineri**

**Imm. 02 Siulittaasup nalunaarutai.**

**Aningaasaqarnermut tunngasut**

**Imm. 03 Balance-t**

**Suliassat nalinginnaasut**

**Imm. 04 Qinguata atuarfiani atuartut 1.-10.kl. ukiuaanerani feeriarnerup nalaani  
sammisassanik neqerooruteqarusunnermi ujartuineq**

**Imm. 05 Sermersuup tungaanut aqutaani BOM-imut matuersaateqartarneq**

**Imm. 06 Inuttut ineriartorneq**

**Imm. 07 Erinarsoqatigiinnik tikisitsisinnaaneq**

**Paasissutissiissutit/Ilisimatitsissutit**

**Imm. 08 Tamalaat**



*Nunaqarfimmi aqutsisut 15. september 2021 nal.13:00 ileqquusumik ataatsiminneq  
00/2021*

Ataatsiminneq aallartippoq nal. 13:00

Peqataasut:

*Atassut*

Anna-Karen Hoffmann

*Inuit Ataqtigiit*

Johan Lange

Hans Davidsen

*Nalunaaruteqarlutik peqataannngitsut:*

*Nalunaaruteqaratik peqataannngitsut:*



**Imm. 01 Oqaluuserisassat akuersissutigineqarneri**

*J.nr*

**Aalajangiineq**

Akuerineqarput.



**Imm. 02** Siulittaasup nalunaarutai.

*J.nr*

**Aalajangiineq**  
Tusaatitut tiguneqarput.



**Imm. 03    Balance-t**

*J.nr.06.00.01*

Maleruagassatigut tunngavissat.

Karseqarnikkut Qeqqata Kommunia.-ta maleruagassaa.

**Innersuussut**

Allaffeqarfiup innersuussutigaa ilaasortanit tusaatitut tiguneqassasut.

**Aalajangiineq**

Tusaatitut tiguneqarput.



**Imm. 04 Qinguata aturfiani aturtut 1.-10.kl. ukiaanerani feeriarnerup nalaani  
sammissassanik neqerooruteqarusunnermi ujartuineq**

*J.nr.*

Tunuliaqutaq:

Oqaluuserisassaq Nunaqarfimmi aqutsisuni ilaasortap Anna-Karen Hoffmann-ip oqaluuserisassanngortitaa siulittaasumit Johan Lange-mit akuersissutigineqarpoq.

Qinguata aturfiani aturtut 1. – 10. Klassit ukiaanerani feeriarnerup (efterårsferie) nalaani sammissassanik neqerooruteqarfigineqarsinnaaneri ujartuiffigineqarusupput. Aturtut ullut uku sammissassaqtinneqarusupput: 17., 18. & 19. Oktober 2021.

**Innersuussut**

Allaffeqarfiup innersuussutigaa Nunaqarfimmi aqutsisut eqqartorialugu nalilersussagaat neqerooruteqarsinnaanissaq.

**Aalajangiineq**

Innersuussut akuerineqarpoq.

**Imm. 05 Sermersuup tungaanut aqputaani BOM-imut matuersaateqartarneq**

*J.nr.*

Tunuliaqutaq:

Oqaluuserisassaq Nunaqarfimmi aqutsisuni ilaasortap Anna-Karen Hoffmann-ip oqaluuserisassanngortitaa siulittaasumit Johan Lange-mit akuersissutigineqarpoq. Sermersuup tungaanut parnaartartoq nalilersornissaanut, kiisalu nassuiaasoqarnissaanut akisussaasunik nassuiaasoqarnissaa kissaataavoq Tassami Kommune-p Allaffiata ammanerani innuttaasut 500kr-nimik depositomimut akileeqaarlutik matuersaammik pisinnaapput, kiisalu atsiortinneqartarlutik bom-i aallaaseqarluni biilnik aqqusaarfigineqarsinnaanngitsoq. soorluli ajortuliortussatut naqissusigaaqqajuarneg kusanaamat. Eqqartueqatigiinneq ingerlareerpat pisariaqarpat akisussaasunut saaffiginnissuteqarsinnaaneq eqqumaffigisariaqarpoq.

**Innersuussut**

Allaffeqarfiup innersuussutigaa Nunaqarfimmi aqutsisut eqqartoriarlugu nalilersuutitsik allakkatigut ingerlateqqissagaat.

**Aalajangiineq**

Eqqartorneqaaqqinnissaannik ataatsimeeqateqarnissaq kissaataavoq.



**Imm. 06 Inuttut ineriartorneq**

*J.nr.*

Tunuliaqutaq:

Oqaluuserisassaq Nunaqarfimmi aqutsisuni ilaasortap Anna-Karen Hoffmann-ip oqaluuserisassanngortitaa oqaluuserisassatut siulittaasumit Johan Lange-mit akuersissutigineqarpoq. Kangerlussuarmi inunnik isumaginnittumik qaammatit arlalinngulerput sulisoqarani, innuttaasullu toqqaannartumik saaffissaqanngikkallarput inunnik sullissisumik. Siunnersuutaavoq innuttaasut kikkulluunniit inuttut ineriartornermik pikkorissarnissamik neqeroorfigineqarsinnaasasut tarnip pissusaanik immikkut ilisimasalimmik, assigisaanillunniit misilittagalimmik neqeroorusiortitsinissamik ujartuineq. Innuttaasut ilaquuttatik ikinngutitik sinerissamiit qimallugit Kangerlussuarmi nutserrattartut amerlapput taamaattumik pikkorissaanerit taamaattut piukkunnarput ingerlanneqarnissaat.

Pissutsit atuuttut:

April 2021-mili inunnik sullissisooq soraarmalli suli atorfinittoqaqqinngilaq. Innuttaasunik pikkorissarusuttunik saaffiginnittoqartoqannginngikkaluartoq, ukiut siuliini pikkorissarrannikuusut maannamut imminnut ikorfartoqatigiillutik naapittarput. Taamatullu pikkorissaaqinnissami innuttaasunik ataqatigiisitseqqinnissaq kissaataavoq.

**Innersuussut**

Allaffeqarfiup innersuussutigaa Nunaqarfimmi aqutsisuni eqqartoriarlugu periarfissat ujartuiffigineqassasut.

**Aalajangiineq**

Innersuussut akuerineqarpoq.





**Imm. 07 Erinarsoqatigiinnik tikisitsisinnaaneq**

*J.nr.*

Tunuliaqutaq:

Oqaluuserisassaq Nunaqarfimmi aqutsisuni siulittaasup tulliata Hans Davidsenip oqaluuserisassanngortitaa oqaluuserisassatut Johan Lange-mit akuersissutigineqarpoq.

Juullilernerani adventip sapaataasa siullianni Kangerlussuarmi erinarsoqatigiinnik aallartitsisoqariinngippat, erinarsoqatigiinnik tikisitsinissaq kissaataavoq.

Pissutsit atuuttut:

Kangerlussuarmi erinarsoqatigeeqanngilaq, pisariaqarpallu avataaniit tikisitsinissaq ujartuiffigineqassalluni.

**Innersuussut**

Allaffeqarfiup innersuussutigaa Nunaqarfimmi aqutsisut eqqartoriarlugu naliliiffigissagaat tikisitsisinnaanissaq.

**Aalajangiineq**

Innersuussut akuerineqarpoq.



**Paasissutissiissutit/Ilisimatitsissutit**

- Allaffiup pisortaata nalunaarutaa qaammat august 2021.
- Nunaqarfimmi aqutsisut ataatsimiinneranni imaqarniliaq ulloq 04/08/2021.



**Imm. 08 Tamalaat**

- Sunngiffimmi pisortaq (fritidsleder) kiisalu Atuarfiup pisortaa, Cross Fit Kangerlussuarmilu ataqatigiissarisooq ataatsimeeqatiserineqarput nal. 13:00.
- Maniitsumi 8. September Budgetseminarersimaneq nassuiaatigineqarpoq.

Ataatsimiinneq naammassivoq nal. 15:55

